



ՇԱՐՈՒՆԱԿՎ ՈՒՄ Է ՀԱՅՐԵՆԱԴԱՐՁ ՀԱՅԵՐԻ 1947 ԹՎԻ ՔԱՐԱՎԱՆՆԵՐԻ ԺԱՄԱՆՈՒՄԸ ՀԱՅՐԵՆԻՔ

ԵՐԵՎԱՆ, 5 սեպտեմբերի.— Երկու հատուկ դնացքներով Բաթումիից Երևան ժամանեց արտասահմանից վերադարձող հայերի մի մեծ խումբ:

Հայրենադարձներին կալարանում դիմավորեցին Հայկական ՍՍՌ Մինիստրների Սովետին կից արտասահմանյան հայերի ըն-

դունման և տեղավորման կոմիտեի ու Երեվանի քաղաքային Սովետի ներկայացուցիչները:

Ժամանած հայրենադարձների 174 ընտանիք տեղավորվեցին Երևանում, 90 ընտանիք էլ՝ Նոր Բայազեդի, Կոտայքի և սեպտեմբերի ալլ շրջաններում: (ՀՀԳ)

ԿԱՀԻՐԵ, 5 սեպտեմբերի (ՏԱՍՍ).— Ալեքսանդրիայից սովետական «Պրեզդա» շոգենավով Սովետական Հայաստան մեկնեց 1655 մարդուց բաղկացած հայերի մի խումբ: Խմբի կազմում կան բանվորներ, արդյունաբերության զանազան ճյուղերի բարձրորակ մաս-

նագետներ, բժիշկներ, դիտական աշխատողներ, աշտիստներ և այլ պրոֆեսիոնների պատկանող անձինք:

Մեկնողներին ուղևորում էին Կահիրեի և Ալեքսանդրիայի տասնյակ հազարավոր հայեր:

ԲԵՅՐՈՒԹ, 7 սեպտեմբերի (ՏԱՍՍ).— Երեկ Բեյրութի նավահանգստից սովետական «Պրեզդա» շոգենավով 2,500 հայեր Սիրիա-

լից և Լիբանանից մեկնեցին Սովետական Հայաստան:

ՓԱՐԻՋ, 7 սեպտեմբերի (ՏԱՍՍ).— Ֆրանսա-պրես գործակալության հաղորդագրությանը սեպտեմբերի 5-ին 3,000 հայեր սո-

վետական «Ռոսսիա» շոգենավով Մարսելից մեկնեցին ՍՍՌՄ:

ՀԱՅԵՐԻ ԵՎ ՎՐԱՑԻՆԵՐԻ ՎԵՐԱԴԱՐՁԸ ՖՐԱՆՍԻԱՅՈՑ

ՄԱՐՍԵԼ, 8 սեպտեմբերի (ՏԱՍՍ).— «Ռոսսիա» էլեկտրանավով այստեղից հայրենիք մեկնեց 25 տարի Ֆրանսիայում ապրող հայերի ու վրացիների մի մեծ խումբ, թվով 3,202 մարդ: Մեկնողների մեջ կան գիտության և արվեստի աշխատողներ, ինժեներներ, բժիշկներ, տեխնիկներ, մեխանիկներ և որակյալ բանվորներ: «Ռոսսիա» էլեկտրանավի մեկնումից առաջ տեղի ունեցավ միտինգ, որտեղ հանդես եկան էլեկտրանավի

նավապետ Գոգիդիձեն, Ֆրանսիայում ՍՍՌՄ դեսպանատան խորհրդական Աբրամովը, հայկական ազգային ճակատի նախագահ Մարմարյանը: Միտինգի մասնակիցները ողջունի հեռագրեր ուղարկեցին ընկեր Ստալինին, ինչպես նաև Հայկական ու Վրացական ՍՍՌ Մինիստրների Սովետներին:

Մեկնողներին ուղևորելու համար հավաքվել էին մոտ 30 հազար մարսելցիներ ու փարիզեցիներ:

ԲԱՌՈՒՄԻ, 12 սեպտեմբերի (ՀՀԳ-ի հատուկ թղթ).— Բաթումիի նավահանգիստը մեկը մյուսի հետևից ժամանում են շոգենավեր՝ հայերի նոր խմբերով, որոնք վերադառ-

նում են արտասահմանից հայրենիք՝ Սովետական Հայաստան: Վերջին օրերս «Զուկոտկա», «Պրեզդա» և «Ռոսսիա» շոգենավերով այստեղ ժամանեցին մոտ 10 հազար հայեր:

Հունաստանից, Եգիպտոսից, Սիրիայից, Լիբանանից, Ֆրանսիայից: Ժամանածների մեջ կան զանազան մասնագիտության տեր բարձրորակ շատ բանվորներ: Ֆրանսիայից ժամանել է կառուցող բանվորներ, դերձակների, կոշիկարների, սովետականների և այլ

մասնագետների մի մեծ խումբ: Սիրիայից ժամանել են բազմաթիվ գյուղացիներ: Բաթումիում ժամանածներին ցույց տրվեց ջերմ բնագոյնություն: Կարճատև հանգստից հետո նրանք հատուկ զնացրեցին իմենիկին Սովետական Հայաստան:

ԵՐԵՎԱՆ, 19 սեպտեմբերի.— Սեպտեմբերի 18-ին հատուկ զնացքով Բաթումիից Երևան ժամանեց Հունաստանից Սովետական Հայաստան վերադարձող հայերի մի նոր խումբ:

Կայարանում եկվորներին դիմավորեցին Հայկական ՍՍՌ Մինիստրների Սովետին կից արտասահմանյան հայերի բնդունման և տեղավորման կոմիտեի, Երևանի Քաղաքապետի

և այլ կազմակերպությունների ներկայացուցիչները:

Խումբը բաղկացած է 236 ընտանիքից: Նրանց մեծ մասը բանվորներ, գյուղացիներ և արհեստավորներ են: Եկվորներից 90 ընտանիք տեղավորվեցին Երևանում, մնացածները՝ Եջմիածնի, Հոկտեմբերյանի, Ապարանի, Ախտալի, Կոտայքի և Սևանի շրջաններում: (229)

ԵՐԵՎԱՆ, 23 սեպտեմբերի.— Երեկ, սեպտեմբերի 22-ին, հատուկ զնացքով Երևան ժամանեց Ֆրանսիայում ապրող հայերի մի նոր խումբ: Ժամանածներին թվում կան մտավորականության ներկայացուցիչներ, զանազան մասնագիտությունների բանվորներ, արհեստավորներ և այլն:

Կայարանում ժամանածներին դիմավորեցին Հայկական ՍՍՌ Մինիստրների Սովետին

կից վերաբնակեցման վարչության ներկայացուցիչները, Երևանի Քաղաքապետի գործկոմի պատասխանատու աշխատակիցները, պարտիական և սովետական կազմակերպությունների ներկայացուցիչները:

Ընդամենը ժամանել է 90 ընտանիք, որոնք հենց նույն օրը տեղավորվեցին իրենց համար հատկացված բնակարաններում: (229)

ԵՐԵՎԱՆ, 25 սեպտեմբերի.— Սեպտեմբերի 24-ին հատուկ զնացքով Բաթումիից Երևան ժամանեց Ֆրանսիայից Սովետական Հայաստան վերադարձող հայերի երկրորդ խումբը:

Կայարանում եկվորներին դիմավորեցին Հայկական ՍՍՌ Մինիստրների Սովետին կից

արտասահմանյան հայերի բնդունման և տեղավորման կոմիտեի և Երևանի Քաղաքապետի Սովետի ներկայացուցիչները:

Եկվորների խումբը բաղկացած էր 137 ընտանիքից: Նրանցից 101-ը տեղավորվեցին Երևանում, մնացածները՝ Բերիայի, Կոտայքի, Ախտալի և Սևանի շրջաններում: (229)

ԱՌՆԵՔ, 30 սեպտեմբերի (ՏԱՍՍ).— Երեկ Պրեկից սովետական «Չուկոտկա» շոգենավով Հայաստան է մեկնել 2.700 հայ: Նավահանգստում մեկնողներին ճանապարհ էին

դնում մի քանի հազար հայեր, որոնց մեծ մասը նույնպես կուղևորվի Հայաստան հաջորդ նավերով:

(229)

ԵՐԵՎԱՆ, 4 հոկտեմբերի.— Հոկտեմբերի 3-ին հատուկ զնացքով Բաթումիից Երևան ժամանեց Բելգիայից Սովետական Հայաստան վերադարձող հայերի չորրորդ բարավանի առաջին խումբը:

Կայարանում եկվորներին դիմավորեցին Հայկական ՍՍՌ Մինիստրների Սովետին կից

արտասահմանյան հայերի բնդունման և տեղավորման կոմիտեի և Երևանի Քաղաքապետի Սովետի ներկայացուցիչները:

Եկվորների մեծ մասը բանվորներ և արհեստավորներ են, կան նաև բժիշկներ, տառամարտիկներ և ժուռնալիստներ:

(229)

ԲԱԹՈՒՄԻ, 5 հոկտեմբերի (ՀՀԳ-ի հատ. թղթ.) — Հոկտեմբերի 4-ին «Զուգուտկա» շոգենավով Հունաստանից Բաթումի ժամանեց հայրենիք՝ Սովետական Հայաստան վերադարձող հայերի հերթական խումբը: Ըն-

դամենը ժամանել են 2.620 հոգի, որոնք վերջին ժամանակներս ապրում էին Աթենքում և Պիրեոսում: Դրանք հիմնականում — բանվորներ և արհեստավորներ են:

ՆԲՆԿԱՆ, 11 հոկտեմբերի. — Հոկտեմբերի 10-ին հատուկ գնացքով Բաթումից Երևան ժամանեց եգիպտոսից Սովետական Հայաստան վերադարձող հայերի առաջին խումբը: Կայարանում եկվորներին դիմավորեցին Հայկական ՍՍՌ Մինիստրների Սովետին կից արտասահմանյան հայերի ընդունման և տե-

ղավորման կոմիտեի ու Երևանի Քաղսովետի դռնակապի ներկայացուցիչները:

Եկվորների մեծ մասը բանվորներ և արհեստավորներ են: Նրանցից 42 ընտանիք տեղավորվեցին Երևանում, մնացածները՝ Բերիայի, Սևանի, Կոտայքի և այլ շրջաններում: (ՀՀԳ)

ԱԹԵՆՔ, 20 հոկտեմբերի (ՏԱՍՍ). — «Զուգուտկա» շոգենավով Պիրեից Սովետական

Հայաստան մեկնեց հայերի մի խումբ ևս, որոնց թիվն է 2.200 մարդ:

ՆԲՆԿԱՆ, 21 հոկտեմբերի. — Հոկտեմբերի 20-ին հատուկ գնացքով Երևան ժամանեց Հունաստանից Սովետական Հայաստան վերադարձող հայերի մի նոր խումբ:

Կայարանում եկվորներին դիմավորեցին

Հայկական ՍՍՌ Մինիստրների Սովետին կից արտասահմանյան հայերի ընդունման և տեղավորման կոմիտեի և Երևանի Քաղսովետի ներկայացուցիչները:

(ՀՀԳ)

ԲԱԹՈՒՄԻ, 24 հոկտեմբերի (ՀՀԳ-ի հատ. թղթ.) — Հոկտեմբերի 24-ին «Զուգուտկա» շոգենավով ժամանեց Հունաստանից մեկնած հայերի հերթական խումբը: Ընդամենը ժա-

մանել են 2.112 մարդ, հիմնականում բանվորներ և արհեստավորներ: Բաթումիում կարճատև հանգստից հետո ժամանածները կմեկնեն Սովետական Հայաստան:

ԲԵՅՐՈՒԹ, 27 հոկտեմբերի (ՏԱՍՍ). — Բեյրութի նավահանգստից դուրս եկավ սովետական «Պոբեդա» շոգենավը, որի վրա դտնվում են Սովետական Հայաստան ուղե-

վորվող 2.660 հայեր. դրանցից 880-ը՝ Իրակից, 765-ը՝ Սիրիայից և 1015-ը՝ Լիբանանից:

ՄԻ ԽՈՒՄԲ ՀԱՅՐԵՆԱԴԱՐՁՆԵՐԻ ԽՈՍՔԸ

Եգիպտոսից, Լիբանանից և Սիրիայից Սովետական Հայաստան վերադարձող հայերի մի խումբ, բաղկացած 4.300 մարդուց, Բաթումից ՀՀԳ Պ Կենտկոմի քարտուղար Գր. Հարությունյանին, ՀՍՍՌ Գերագույն Սովետի նախագահության նախագահ ընկ. Մ. Պապյանին և ՀՍՍՌ Մինիստրների Սովետի նախագահ ընկ. Ս. Կարապետյանին ուղղված հեռագրում գրում են. —

«Մեծ ուրախությամբ ու ոգևորությամբ եգիպտոսից, Լիբանանից ու Սիրիայից մենք վերադառնում ենք մեր սիրելի հայրենիքը՝

Սովետական Հայաստան: Մենք՝ 4.300 հայեր, մի մարդու պես, խոստանում ենք մեր ամբողջ ուժն ու եռանդը նվիրաբերել մեր հայրենիքի հետագա բարգավաճմանը:

Կեցցե՛ք բոլրակից մեծ պարտիան: Կեցցե՛ք ժողովուրդների սիրելի հայր ու առաջնորդ Գեորգիախանյան Ստալինը: Վերադարձողների անունից հեռագիրն ստորագրել են

ՀԱԿՈՐ ԱՐԱՄՅԱՆԸ ԵՎ ՀԱՅԿԱԶ ԲՈՅԱՋՅԱՆԸ:

(ՀՀԳ)